

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0062886 25
Zenica, 29.05.2025. godine**

HITNO PRITVOR!

**KANTONALNI SUD U ZENICI
Sudiji za prethodno saslušanje**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH (ZKP F BiH), podižem

O P T U Ž N I C U

Protiv:

B. M. zvanog „E.“, osuđivan presudom Općinskog suda u Tuzli broj: .. pravosnažnost presude dana 26.11.2020. godine za krivično djelo iz člana 290. stav 1. KZ F BiH, na kaznu zatvora u trajanju od 2 mjeseca, presudom Općinskog suda u Tuzli broj: ... pravosnažnost presude dana 14.10.2020. godine za krivično djelo iz člana 239. stav 3. KZ F BiH, na kaznu zatvora u trajanju od 2 mjeseca, presudom Suda BiH Sarajevo broj: ... pravosnažnost presude dana 08.10.2019. godine za krivično djelo iz člana 201. stav 4. u vezi sa stavom 1. u vezi sa članom 29. KZ F BiH, na kaznu zatvora u trajanju od 4 godine, presudom Pokrajinskog suda Innsbruck-R Austrija-Okružnog suda u Bijeljini broj: ... (...) pravosnažnost presude dana 05.12.2013. godine za krivično djelo iz člana 364. stav 1. KZ RS, krivično djelo iz člana 233. stav 2. u vezi sa članom 24. stav 2. i članom 20. stav 2. KZ RS, na jedinstvenu kaznu zatvora u trajanju od 4 godine i 3 mjeseca, presudom Suda u Innsbruck Austija broj ... pravosnažnost presude dana 23.01.2012. godine za krivično djelo iz člana 125. KKZ Austrije, krivično djelo iz člana 229. stav 1. KZ Austrije, krivično djelo iz člana 127 u vezi sa 129. stav 1 i član 15. KZ Austrije, krivično djelo iz člana 241. stav 3. KZ Austrije, na kaznu zatvora u trajanju od 9 mjeseci, presudom Općinskog suda u Tuzli broj: ... (...) pravosnažnost presude dana 22.09.2011. godine za krivično djelo iz člana 371. stav 1. tačka 1) KZ F BiH, na kaznu zatvora u trajanju od 1 godine, presudom Suda u Beču-Austrija broj: 27 Hv 98/2007H pravosnažnost ppresude dana 27.07.2007. godine, za krivično djelo iz člana 142. stav 1. KZ Austrije, krivično djelo iz člana 143. KZ Austrije, na kaznu zatvora u trajanju od 3 godine i 6 mjeseci, **nalazi se u pritvoru po rješenju Kantonalnog suda u Zenici broj ... od 08.03.2024. godine, koji pritvor je rješenjem Kantonalnog suda u Zenici broj: ... od 04.04.2025. godine produžen i traje do 06.06.2025. godine**, branitelj po službenoj dužnosti Božić Bruno, advokat iz Travnika,

da je:

1. Dana 06.03.2025. godine, u jutarnjim satima, oko 05:00 sati, na području grada Visoko, došao do porodične kuće S. M. koja se nalazi u ulici ..., u kojoj isti živi sa svojim ocem S. S. i svoje troje mladb. djece, zatim ušao u dvorište kuće te pokucao na ulazna vrata iste, pa kada je S. M. otvorio ista, zbog ranije neriješenih odnosa u vezi H. M. zvane „...“ započeo sa istim kraći verbalni sukob, nakon čega je ušao u predsoblje kuće, a zatim, da bi ga lišio života, izvadio hladno oruđe-nož kojeg je posjedovao kod sebe i istim napao M. S. zadavši mu tri ubodne rane u desnu polovinu grudnog koša sa prodorom u prsište, dvije rezne rane glave, i to jednu čeonu-slijepoočno desno a drugu slijepoočno-tjemeno lijevo i jednu reznu ranu desne šake, a koje ozljede u svom sveukupnom djelovanju po život i zdravlje oštećenog predstavljaju teške tjelesne

ozljede opasne po život, iako je znao i bio svjestan da zadajući ubode nožem u vitalni dio tijela može lišiti života S. M., pa je na to i pristao, za koje vrijeme je M. S. u strahu za svoj život glasno dozivao upomoć svog oca S. koji je za to vrijeme spavao u dnevnom boravku kuće, i koji je, nakon što je čuo zapostavljanje sina M., ušao u predsoblje iste i vidio B. M. kako zadaje udarce njegovom sinu M., zbog čega je istog povukao za odjeću sleđa i odmakao istog od M., nakon čega je B. M. izašao iz kuće i pobjegao sa lica mjesta u nepoznatom pravcu pri tome odbacivši nož kojim je napao M. na nepoznatu lokaciju,

2. Dana 06.03.2025. godine, oko 07:45 sati, na području grada Visokog, u ulici ..., nakon što je pronađen, prilikom lišenja slobode od strane OSL PS Visoko, suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH, iako je bio svjestan i znao da se radi o opojnoj drogi i da je posjedovanje droge zabranjeno, što je i htio, neovlašteno posjedovao jedan PVC smotuljak sa sadržajem bijele praškaste materije koja asocira na opojnu drogu „SPEED“, neto mase 0,628 grama, za koju je vještačenjem utvrđeno da sadrži psihoaktivnu komponentu amfetamin, a koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom proglašena takvom, a koju droga mu je oduzeta istog dana od strane OSL PS Visoko na potvrdu o privremenom oduzimanju predmeta broj: ... od 06.03.2025. godine.

Dakle, pokušao drugog usmrtiti i neovlašteno posjedovao opojnu drogu,

čime je opisanim radnjama u tački 1 optužnice počinio krivično djelo Ubistva iz člana 166. stav 1. Krivičnog zakona Federacije Bosne i Hercegovine u vezi sa stavom 28. istog zakona, a radnjama iz tačke 2 optužnice počinio krivično djelo posjedovanje i omogućavanje uživanja opojnih droga iz člana 239. stav 3. KZ FBiH, a sve u vezi sa članom 54. KZ FBiH.

radi toga stavljam,

PRIJEDLOG dokaza koje treba izvesti

Predlažemo sudu da u skladu sa odredbama člana 78. KZ F BiH osumnjičenom M. B. izrekne mjeru sigurnosti oduzimanje predmeta – opojne droge „amfetamin, u ukupnoj količini od 0,602 grama, preostale nakon vještačenja, pohranjeno u depozitu MUP ZDK, Uprava policije Zenica.

PRIJEDLOG ZA PRODUŽENJE PRITVORA NAKON POTVRĐIVANJA OPTUŽNICE

Na temelju člana 151. ZKP-a F BiH predlažem da se prema osumnjičenom M. B. i nakon potvrđivanja optužnice produži pritvor, a iz razloga propisanih u članu 146. stav 1. tačka b) i c) ZKP-a F BiH zbog kojih razloga mu je i određen pritvor rješenjem tog suda broj ... od 08.03.2025. godine i produžen rješenjem istog suda broj ... od 04.04.2025. godine, koji može trajati do 06.06.2025. godine do 07,45 sati.